

四庫全書

集部

欽定四庫全書

集部

劔南詩稿卷

六十一

詳校官庶吉士

臣陳若霖

主事

臣

呂雲棟覆勘

總校官檢討

臣何思鈞

校對官修撰

臣

戴衡亨

謄錄監生

臣

楊浚明

欽定四庫全書

劔南詩藁卷六十

宋 陸游 撰

述感

斷簡承孤學窮閭負壯心方憂一齒落

時一齒方搖動

何止二

毛侵買地開幽圃招僧理廢琴浮生祇如此感慨不須吟

甲子歲十月二十四日夜半夢遇故人於山水間

飲酒賦詩既覺僅能記一二乃追補之

拂衣金馬門稅駕石帆村喚起華山夢
招回湘水魂心親頻握手目擊欲忘言
最喜藤陰下翛然共一樽

又

小山緣曲澗路斷得藤陰忽遇平生友
重論一片心興闌棋局散意豁酒杯深
雞唱俄驚覺悽然淚滿襟

舟中夜賦

千里風塵季子裘五湖煙浪志和舟
燈殘復吐惱孤蓑

雨落還收生旅愁
城上霜筇入霄漢
煙中漁火耿汀洲
收之未極詩人趣
但謂能輕萬戶侯

舟中曉賦

木落霜清水鳥呼
扁舟夜泊古城隅
吹殘畫角鐘初動
低盡寒空斗欲無
浪迹已同鷗境界
遠遊方羨雁程途
高檣健席從今始
遍歷三湘與五湖

漁家

江上漁家水蘚扉
閒雲片片傍苔磯
釣收鷺下虛舟立

橋斷僧尋別徑歸海近岡巒多迤邐天寒霧雨正霏微
羊裘老作桐江叟點檢初心幸未違

遠遊

少年遊宦日骭醜恥沉浮見虎猶攘臂逢狐肯叩頭力
行雖自許早退豈人謀

予年六十餘
即退閒故山

小艇煙波上飄然

得遠遊

與兒孫小飲

歲暮寒多雨村深早閉門荒園摘葵芥近市買雞豚短

褐聯三世幽窗共一樽
吾曹常得此餘事不須論

遂初

狂本類三閭歸仍慕二疏
何由滿人笑但可遂吾初
奕奕沙堤馬栖栖下澤車
細看俱外物俛首老犁鋤

與村鄰聚飲

冬日鄉閭集珍烹得徧嘗
蟹供牢九美

聞人懋德言
賦中所謂牢九

今包魚煮膾殘香雞跖宜
菰白豚肩雜韭黃
子是一歡君勿

惜豐歉歲何常

又

交好貧尤篤鄉情老更親
薰香紅糝熟角美綠椒新
俗似山川古人如酒醴醇
一杯相屬罷吾亦愛吾鄰

夜坐示子虞

裘薄知霜重燈殘覺夜闌
為農宜廢學謝事等無官
疎嬾貧難醒沉綿死有端
大兒千里至聊復為加餐

行飯暮歸

整置觀書不耐閒
飄然梅塢竹籬間
霜風盡脫千林葉

雲氣平沉一面山
笑喚筇枝扶蹇步
聊憑村酒借朱顏
廟堦牆下歸來晚
宿鳥紛紛已漸還

寒雨中夜坐

江村風雨晚冥冥
閉戶添衣愴客情
爐爇松肪如蠟爨
鼎煎茶浪起灘聲
團欒賴有兒同話
剝啄應無客可迎
聊舉一杯生耳熱
頽然酣枕到窗明

枕上

世間命薄有誰如
僵臥空山夢亦孤
三尺窗前燈半死

萬重雲外雁相呼久貧僅守殘書笈未死猶須幾酒壺
趣辦一棺那得緩古人四十揣頭顱

即事

心與巖泉靜形如野鶴臞朝餐美藜藿夜學講唐虞婢
老無釵澤僮寒闕袴襦所欣惟一事無吏督殘租

又

糴飯流匙滑葵羹出醕香有時留野客亦復餉鄰牆老
圃傳占法行僧遺藥方未為全絕物終勝利名場

雜感

買馬當可乘
築室當可居
快馬多覆敗
傑屋鬼所狙
徒行與露坐
安穩無後虞
所以古達人
秋風憶蓴鱸

又

士生誦二典
恍若生唐虞
陞降奉玉帛
可否聞吁咻
闕里得其傳
功與造化俱
孰知千載後
乃尊重譯書

又

擁裘南窗下
堅坐試定力
爐香亦不散
伴我到臘黑
絕

交近為我遊世易顛踣默默何所為且復自休息

又

上峽聞竹枝入秦聞烏烏奏曲未及終涕淚淒已濡還
山風月夕菱歌起鏡湖雖無遠遊感白首亦窮途

又

吾聞之古方有病當鮮食如其不能爾金丹亦無益我
老更事多此語知造極子房從赤松千載推達識

又

夢育小兒女便有無窮愛
謁醫問疾恙對客誇警過晨
雞忽喚覺此愛復安在人生
困糾纏一笑脫囚械

閒中自嘲

鏡湖西畔有漁扉
竊比玄英似庶幾
風月定交殊耐久
煙波得意可忘歸
曾行萬里求微祿
亦伴諸公踐駭機
試問即今成底事
晨飧依舊北山薇

暇日坐山麓松石間作

偶曳枯筇出槿籬
松間盤石坐移時
饑鷹齧草無餘綠

乳鵲營巢有墮枝幽事類分皆可譜高情辭達自成詩
莫嗟寂寂終吾世正是他年一段奇

得子虞臨安舟中書因寄

江水悠悠雙鯉魚眼明初拆入關書殘年已覺身如客
一念還成淚濺裙春近預憂歸夢短潮回莫遣寄聲疎
何時可棄微官縛五畝荒畦共荷鋤

書喜

寵辱元知不足驚退居兀兀餞餘生冰魚可釣羹材足

霜稻方登糴價平鄰媼已安諸子養

閔氏媼以貧甚葉諸子而去今始得

復歸園丁初葺數椽成

韓氏得屋湖上以種蔬為業

鄉閭喜事吾曹共

一醉寧辭洗破觥

又

十月東吳草未枯村村耕牧可成圖歲收儉薄雖中熟
民得蠲除已小蘇家塾競延師教子里門罕見吏徵租
老昏不記唐年事試問元和有此無

老學菴夜興

冷臥空齋枕曲肱，饑鷹驚起髮鬅鬢。
煙霞華嶽逃名客，風雪廬山入定僧。
櫺葉蔽身勝赤帛，金丹照室不燃燈。
禿翁自笑無名字，聊向江湖襲舊稱。

取江湖散人之意

感昔

百丈庚寅上峽時，至今猶健豈前期。
家人暗換吾何歎，鏡裏衰翁復是誰。

上破骨肉在者四子爾今皆出仕

又

神女祠前猿夜鳴，相公溪上草初生。
重遊惟有西窗夢，

一點燈青夢不成

又

白帝城邊鶯亂啼
憶騎瘦馬踏春泥
老來感舊多悽愴
孤夢時時到漢西

又

小益晨裝雨作泥
南沮涉水馬長嘶
山腰細棧移新路
驛壁流塵闇舊題

又

曾從征西十萬師
白頭回顧只成悲
雲深駱谷傳烽處
雪密嶓山校獵時

又

老君洞外小朱扉
雲壓寒空雪欲飛
結陣弓刀邊壘去
挂鞍狐兔獵場歸

又

少時失腳利名間
寸步何曾不險艱
造物恐人渾忘却
夢中憂患尚如山

孤村

少年誤計落人間
晚臥孤村日掩關
小室易溫爐火省
幽窗常暗架書閒
梅橫籬落春初動
雲闌川原雪尚慳
欲喚一藤同勝踐
恨無傑句壓溪山

村舍書事

紙窗百衲地爐紅
圍坐牛醫卜肆翁
時節杯盤來往熟
朝脯鹽酪有無通
男丁共結春耕耦
婦女相呼夜績同
老子頽然最無事
客歸自策讀書功

小葺居舍

野水楓林下，殘年亦自存。
刈茅支漏屋，插棘補頽垣。
把釣襟靈爽，爭棋笑語喧。
晚窗幽興極，共酌黍醅渾。

冬至

老遇陽生海上村，川雲漠漠雨昏昏。
鄰家祭徹初分胾，賀客泥深不到門。
萬卷縱橫忘歲月，百年行止付乾坤。
明朝晴霽猶堪出，南陌東阡共一樽。

夜坐示子適兼示元敏

微霰不成雪大風俄散雲孤燈翳還吐斷雁遠猶聞冉冉新春動遙遙清夜分兒孫未須睡吾與汝論文

客懷

客懷病思兩悽悽瘦馬長鞭濺雪泥道左忽逢曾宿驛壁間閒看舊留題村醅酸薄陳山果旅飯蕭條嚼凍齋何處人間非夢境恍然重到劔關西

雜書幽居事

抱瓮窮園叟還山老布衣死邊常得活閑處偶容歸釣

恐魚吞餌棋憂客墮機此心君會否洗盡百年非

又

淡薄齊榮辱恢疎略怨恩爐常養丹母手自斲桐孫炎
火下照海黃河高汴源道翁來不速一笑倒吾樽

又

庭曠多延月齋空半貯雲松聲行路共泉脉近鄰分采
藥九蒸曬朝真三沐熏林間有叢杞繞屋夜狺狺

又

貧困雖終老，胷中尚浩然。直令頭搶地，未害鼻撩天。種菜慳三畝，苫茅僅數椽。布衾常不暖，夜夜亦安眠。

又

卜築南湖上，梅花幾度春。身緣作詩瘦，家為買山貧。野步維漁艇，江樓岸醉巾。誰知會稽叟，不媿葛天民。

題齋壁

門前枯葉滿，荒街堂下殘。蕪擁土階蓬，草蕭條如旅店。豆蔬淡薄學僧齋，書存真火溫枵腹。夜挽黃流灌病骸。

喚取鄰翁同結社他年仙去與君偕

探梅

歲月相尋豈有窮早梅喚醒醉眠翁
坐中酒量人人別
花底春風處處同
白帝城邊微雪過
青衣江上夕陽紅
錦囊空復殘詩在
分付悲歡一夢中

新移竹栽喜於得雨而池中鷓鴣乃以水溢而去
戲以長句記之

霧雨三日天沉陰西溪水長二尺深
土濡新竹有生意

池滿文禽無住心竹根蘇活賴此雨禽亦歸飛戲煙浦
去留雖異各欣然抽萌哺子全其天

讀宛陵先生詩

李杜不復作梅公真壯哉豈惟凡骨換要是頂門開鍛
鍊無遺力淵源有自來平生解牛手餘力獨恢恢

勉學

學力艱危見精誠夢寐知衆人雖莫察吾道豈容欺雷
雨含元氣著龜決大疑為儒能體此端不負先師

道室試筆

浮雲萬事不到眼千歲人間心尚孩
屏風疊下看花落
扇子峽中聞雪來

又

兜羅繡雲常滿谷
勃落葉衣無四時中原百戰血塗野
此老醉眠初不知

又

事來得失若山重放下始知前日狂
一枝藜杖一壺酒

何處人間無醉鄉

又

吾家學道今四世世佩施真三住銘一窗蘿月照孤詠
萬壑松風吹半醒

又

死來尚戀遊金谷病廢猶難放柳枝等是胸中不浩浩
樂天莫笑季倫癡

又

明明行路有神仙世上求仙却不然貪冒苦多廉讓少
恐君未得盡天年

治心

治心無他法要使百念空秋毫作其間有若海颶風颶
風孰能止三日力自窮我徐躡其後杲杲日出東向來
一噫者畢竟誰為雄萬里靜海氛一望開天容會從安
期生高會蓬萊宮

夜夢遇老人於松石間若舊嘗從其遊者再拜叙

間閭老人亦酬接甚至云

遼海曾從化鶴丁百年塵土汚巾瓶萬山深處遇行李
再拜起時如醉醒綠樹巖前開樂筵白驢背上指丹經
雲霄平步尋常事不用求方更解形

過鄰家

病去詩情動寒深酒戒開兒孫扶每出鄰里喚還來雲
重時飛雪春遲未見梅山園多芋栗夜話且燔煨

村飲

舊隱青山在，衰顏白髮新。
推移忝前輩，踈嬾似高人。
擊鼓驅殤鬼，吹簫樂社神。
家家皆有酒，莫吐相君茵。

市飲

學道無多事，消陰服衆魔。
春雷驚蟄戶，海日浴鯨波。
大勇收全勝，靈襟襲太和。
妨會稽市取酒，獨酣歌。

社飲

東作初占嗣，歲宜蠶官又近乞。
靈時傾家釀酒，無遺力。
倒社迎神盡，及期先醉後醒驚。
老憊路長足蹇，歎歸遲。

西村漸過新塘近宿鳥歸飛已滿枝

舟中作

一葉輕舟一破裘飄然江海送悠悠閒知睡味甜如蜜
老覺羈懷淡似秋失侶雲間孤雁下耐寒波面兩鳬浮
年逾八十真當去似為雲山尚小留

風雲晝晦夜遂大雪

大風從北來洶洶十萬軍草木盡偃仆道路瞑不分山
澤氣上騰天受之為雲山雲如馬牛水雲如魚鼃朝閣

翳白日暮重壓厚坤高城岌欲動我屋何足掀兒怖牀
下伏婢恐堅閉門老翁兩耳聵無地著戚欣夜艾不知
雪但覺手足皸布衾冷似鐵燒糠作微溫豈不思一飲
流塵暗空樽已矣可奈何凍死向孤村

大雪

海天黯黯萬重雲欲到前村路不分烈風吹雪深一丈
大布縫衫重七斤

雪夜

病卧湖邊五畝園雪風一夜圻蘆藩燎爐新炭衣篝暖
圍坐兒孫笑語溫菜乞鄰家作菹美酒賒近市帶醅渾
平居自是無來客明日衝泥誰叩門

雪霽

米盡囊空莫問渠天公自解養迂疎雪泥壅路斷來客
朝日滿窗宜讀書漸暖橫林聞語鳥乍晴幽圃富嘉蔬
東家小蹇那須借早晚吾兒送鹿車

子坦欲作一
小轎子來

雪後

雨解平簷雪風收際海雲根蘇萱出土冰斷水生紋遊
舫家家葦行歌巷巷聞太平元有象端為謝東君

夜寒與客燒乾柴取暖戲作

槁竹乾薪隔歲求正虞雪夜客相投如傾潏潏蒲萄酒
似擁重重貂鼠裘一睡策勲殊可喜千金論價恐難酬
他時鐵馬榆關外憶此猶當笑不休

排悶

殘雪融成雨寒燈結作花睡稀聽齧鼠坐久送棲鴉食

似開僧鉢居如寓店家餘年不須問即此是生涯

席上有舉呂居仁詩者因次其韻示坐客

是身如鼠穴太倉七十始辦求深藏扶衰復拜求舊詔
入對講殿瞻顙昂期年蒙恩許謝病家居更辱鄉黨敬
今夕不醉無庸歸此老餘年君所知

予使江西時以詩投政府丐湖湘一麾會召還不
果偶讀舊稿有感

文字塵埃我自知向來諸老誤相期揮毫當得江山助

不到瀟湘豈有詩

柳橋

村路初晴雪作泥
經旬不到小橋西
出門頓覺春來早

柳染輕黃已蘸溪

鷗

海上輕鷗何處尋
煙波萬里信浮沉
今朝忽向船頭見

消盡平生得喪心

鷺

雪霽春回亦樂哉
棋軒正對小灘開
翩翩飛鷺真吾友
肯為幽人一再來

感物

日落烏將數子歸
風和雉挾兩雌飛
不如村舍安孤寂

父子飄然兩褐衣

予齋居已久又諸子皆出仕
獨與子通相對如世外人

甲子歲暮

世間巧拙亦何施
萬事難禁歲月移
遲死幾時天有意
要令自悟不須師

出遊至僧舍及逆旅戲贈絕句

山僧邂逅即情親
野叟留連語更真
淡淡論交端有味
一彈指頃百年身

又

飯炊適熟如延客
犬喜來迎似到家
雨滴茅簷草煙溼
不妨笑語暫諠譁

歲暮出遊

殘厯消磨無半紙
一年光景又成非
瓦溝雪水滴欲盡

江路梅花開尚稀
竹院篝燈留度宿
旗亭誇酒勸無歸
此身自笑知何似
萬里遼天一鶴飛

出遊所至皆欣然相迎口占示之

寓館兼山澤行裝半雨晴
隨宜分藥物投老惜人情
邂逅成新識慙慙講舊盟
農家尤可念迎勞輟春耕

題旅舍壁

老子殘年未易量
出門隨處得彷徨
窗櫺日淡僧房暖
竈突煙青旅甌香
濁酒可求敲野店
舊題猶在拂頰牆

閒來又取丹經讀夜就松明解布囊

野人舍小飲

梅市波光遠柯橋柳色新百年情分熟數酌笑言親沙
上人爭渡街頭婦賣薪鑿鑿隔林鼓歲暮賽江神

自近村歸

雪晴村路尚殘泥茅屋清寒正要低野渡船虛飛鳥集
煙村路近蹇驢嘶堅頑那復愁空索老健猶能伴架犁
蹴榻不僵君會否更須百瓮享黃齋

夢華山

古松偃蹇谷谿舂太華峰前野老家久客未歸丹竈冷
碧桃八十一番花

歲暮與鄰曲飲酒用前輩獨酌韻

出會稽南門九里有聚落雖非衣冠區農圃可共酌野
實雜甘酸草具無厚薄小童能擊筑一笑相與樂徒手
出叢花空中取九藥主禮雖可笑衆客亦起酢聊持綴
宿好未用嘲淡泊窮達則不同亦踐真率約予年過八

十故物但城郭

避御名從省文

作詩記清歡未媿華表鶴

山中飲酒

百屋堆金錢萬戶封公侯富貴人所羨熟計終繆悠有酒
君但飲有山君但遊雖云亦夢事要是勝一籌獨醉新
豐市遺魂招馬周清獻蘇門山曠度交公休爛爛目如
電凜凜氣愈邁騎鯨歸東海已矣吾何求

客亭

荻浦煙汀竝海涯一枝柔艣語咿啞久從野老非生客

慣寓僧廬勝在家
藥興村村俱有酒
逢春處處可尋花
朝來雪霽梅初動
又向郵亭閱歲華

除夜

野水楓林屋數椽
寒爐無火坐無氈
殘燈耿耿愁孤影
小雪霏霏送舊年
椒酒辟瘟傾潋灩
藍袍俘鬼舞蹁躑
從今供養惟春薺
莫羨愚公日萬錢

劍南詩彙卷六十

欽定四庫全書

劔南詩藁卷六十一

宋 陸游 撰

乙丑元日

好在屠蘇酒扶衰把一卮家貧為壽略歷閨換年遲薦
廟須扶拜題門強綴詩惟思買春困熟睡過花時

俗有賣春

困者予老憊思
睡故欲買之

元日讀易

伏羲三十餘萬歲傳者太山一毫芒春秋雖自魯麟絕
禮樂蓋先秦火亡孟軻財能道封建孔子已不言鴻荒
於庠易學幸未泯安得名山處處藏

自開歲陰雨連日未止

江雲漠漠雨昏昏歸老山陰學灌園十里羊腸僅通路
三家鐺脚自成村應時餽飫聊從俗耐久鍾馗儼在門
近縣傳聞頗多盜呼兒插棘補頽垣

俗有年餽飫之語
予貧甚今歲遂不

能易
鍾馗

枯菊

翠羽金錢夢已闌
空餘殘藥抱枝乾
紛紛輕薄隨流水
黃與姚花一樣看

又

積雪嚴霜轉眼空
春回無處不春風
欲知造物無窮妙
但看萱根與菊叢

村舍雜興

冉冉年華速
昏昏睡思濃
廢書心自愧
謝病客能容
雨

急鐘微度溪湍碓自舂可憐燈下影隨處伴衰慵

又

堅卧非由病端居不是齋世情元自薄人事固多乖晨

飯炊稊米宵行點豆蕪昔人言可用第一忌安排

徐仲車有

請問于安定先生
先生曰莫安排

又

白首返吾鄉功名罷激昂掃除魔眷屬砭慰病膏肓老
圃勤供菜蠻童解炷香黃昏那用問且喜日舒長

又

粥罷重投枕

晨起粥後
再睡最佳

燈殘起讀書閉門常自得作計

更誰如箭茁白於玉椶花長比魚盤殮有此味勿怪食
無餘

又

遊宦風波惡還家日月長厭煩思病忘避俗欲陽狂絕
意功名會收身翰墨場著書吾豈敢尚可述農桑

夜興

窮巷行人絕高城漏鼓稀
劇談頻剪燭久坐旋更衣
飢鼠衝人過啼鴉冒夜飛
客歸吾未睡孤影自相依

示鄰曲

北陌東阡好弟兄
耄年幸復主齊盟
同嘗春韭秋菘味
共聽朝猿夜鶴聲
百世不忘耕稼業
一壺時叙里閭情
諸孫識字吾真足
安用鵬搏九萬程

夢中作

華山敷水本閑人
一念無端墮世塵
八十餘年多少事

藥爐丹竈尚如新

春雨

倚闌正爾受斜陽
細雨霏霏渡野塘
本為柳枝留淺色
却教梅蘂洗幽香
小霑蝶粉初何惜
暫澀鶯聲亦未妨
造物無心寧徧物
憑誰閑與問東皇

草堂

幸有湖邊舊草堂
敢煩地主築林塘

辛幼安每欲為築舍予辭之遂止

漉殘醅瓮葛巾濕
挿遍野梅紗帽香
風緊春寒那可敵

身閑晝漏不勝長浩歌陌上君無怪世譜推原自楚狂

陸氏世譜云
本出接輿後

道室

簪遇風山第六文脩然盡謝俗間交謀生舊買雲三頃
託宿新分鶴半巢露下丹芽生藥壠月明金粉落松梢
眉間喜動君知否借得丹經手自抄

旅次有贈

黃鶴樓前逢劍客青衣江口見詩人天涯莫起漂零感

物外終為自在身
賣馬求船雖少日
阻風中酒動兼旬
中原早晚胡塵靜
緱月嵩雲要卜鄰

雜感五首以不愛入州府為韻

莘渭二老人耕釣俱白首
功烈在人間如天有北斗
方其未遇時自處固不苟
夫豈邀虛名欲眩千載後
降及秦漢王望古猶培塿
猶能守所聞外物不得誘
君看魯二生亦豈聖人偶
凜然諸儒間人可我獨不

又

山棲天與癖酒復甚所愛雖云慙黃綺亦慕嵇阮輩失
脚踏人間二事略皆廢晚歸卧雲壑謂此在券內如何
疾屢作大與初意背好山雖在眼動步輒有礙酒戒復
堅持如隄憂蟻潰何以遣餘年閑户淡煮菜

又

鸞鳩搶榆枋枯魚過河泣鵬鯢九萬里此豈汝所及丈
夫志古人絕世而獨立遠遊馬蹄穿高卧劍鋒澀其初
所抱負固自高業岌安能與兒曹俯首就維繫君看折

腰趨孰若舉手揖芝老尚可餐修門戒輕入

又

洛水初平時草木充九州禽獸孳育繁與人為敵讎于
時聖人作日夜為民憂思有以勝之食肉而服裘然後
人莫居禾黍歲有秋豈知千載後戕殺無時休一食刀
机赤百味供膳羞豪侈方相誇哀哉非始謀

又

我年甫三十出身事明主狂愚斥不用晚辟征西府蹭

登過錦城邂逅客嚴武十年醉那箇陽狂頗自許青城
訪隱翁西市買幽圃如何復不遂歸聽鏡湖雨結廬三
間茅泛宅一枝牕天真儻可全吾其老煙浦

自詠絕句

雙鬢蕭條失故青躬耕猶得養餘齡明時恩大無由報
欲為鄉鄰講孝經

又

深村人有結繩風晚歲身為帶索翁啜粥如蔬茅屋底

誰知也過百年中

又

不淪鬼錄不登仙遊戲杯觴近百年
小市跨驢寒日裏
任教人作畫圖傳

又

逆旅門前撥不開先生醉策蹇驢來
未言乞得囊中藥
一見童顏且壓災

又

遠遊索手不賫糧薪米臨時取道傍今日晴明行亦好
經旬風雨住何妨

又

一條紙被平生足半盃藜羹百味全放下元來總無事
雞鳴犬吠送殘年

又

平生寧獨愛吾廬何處茅簷不可居晝闕僮奴停接客
夜無膏火罷觀書

又

睡著何曾厭夜長
老人少睡坐何傷
無燈無火春寒惡
破絮麤氈即道場

風月吟

去日如馳衰有驗
萬事惟當就收斂
可憐未與酒相忘
風月婆娑猶不厭
有時清夜行中庭
幅巾藜杖影玲峴
松風十里吹殘夢
蘿月三更照半醒
河傾雞唱吟未已
爽透髮根清入齒
晨光底事不貸人
轆轤汲水啼鷓起

年光

無賴年光逐水流
人間隨處送悠悠
千帆落浦湘天晚
孤笛吟風鄠縣秋
小市鶯花時痛飲
故宮禾黍亦閑愁
久留只恐驚凡目
又向西涼上酒樓

龜堂

莫笑龜堂陋
生涯實有餘
春寒擁重褐
晨飯富藏蔬
薄技雕蟲爾
虛名畫餅如
兒時論語在
敢負此心初

春晴

春如人易老愁與漏俱長酒著多思睡花熏直欲狂新
晴乾蝶翅微暖滑鶯吭誰見龜堂叟攜藤送夕陽

閉門

殘髮凋零不滿巾閉門聊得養天真恐傷藥草停除地
為惜松槎禁伐薪獨木架成新略約一峯買得小嶙峋
蕭然便覺渾無事談笑時時過近鄰

又

衰疾厭厭不易醫閉門惟與睡相宜狂曾忤物慵迎客

金匱要略卷六十一
瘦不勝衣悔作詩數簡隱書忘世味半甌春茗過花時
寂寥終歲君無諠正是幽居一段奇

有所感

世事真成風馬牛細思愈覺此生浮舊交散後知心少
行路難來出戶愁氣節陵夷誰獨立文章衰壞正橫流
魯中狂士今安有淚盡朱雲草滿丘

八十一吟

八十古云耄吾今不啻過山程兩芒屨水宿一漁蓑難

唱劉琨舞牛疲甯戚歌春寒欺短褐將奈此翁何

高吟

食少支撐惟恃粥力衰舉動輒須人誰知造物猶遺漏
擁鼻高吟又一春

湖上作

耳目聰明手足輕應酬幽事未忘情百年日向漁樵過
千里雲從几席生樽酒每招鄰父共圖書時與小兒評
但餘煙水無儔侶堪笑沙鷗欲抗衡

賞花

湖上花光何處尋
朱朱白白自成林
衰翁何預傷春事
閑客猶懷愛物心
欲墮每愁風驟起
正開却要日微陰
蘭亭禹廟平生事
一榼芳醪莫厭深

園廬

天假殘年使荷鋤
白頭父子守園廬
四朝曾遇千齡會
七世相傳一束書
物理從來多倚伏
人情莫遣得親疎
功名自有英雄了
吾輩惟當憶遂初

乍晴行西村

堤樹叢祠北煙村古埭南
買魚論木盞挑薺滿荆籃
積潦經旬月晴光見二三
農功殊可念保麥復祈蠶

書歎

塵甑炊畬粟羸僮策蹇驢
自從行卷日直至挂冠餘
揣分元知止求官實抱虛
園蔬幸無恙父子日攜鋤

新製小冠

淺醉微吟獨倚闌
輕雲淡月不多寒
悠然顧影成清歎

新製栢欄二寸冠

又

栢欄冠子輕宜髮練布單衣爽辟塵縱不能詩亦堪畫
年餘八十水雲身

書逆旅壁

市遠過三里店孤無四鄰窄纔容一客久或住經旬病
嫗求風藥樵兒餽爨薪人情愈諳熟來往不辭頻

倚樓

曲曲闌干縹緲間
哦詩本欲破除閑
無端又起天涯感
淡墨生綃數點山

又

樓上憑闌小立時
淡煙漠漠雨絲絲
年光日日有佳處
不解春寒偏入詩

小雨

小雨明復闔餘寒
去又來新苔緣砌上
殘杏過籬開垂
老身餘幾逢春心
尚孩江天近寒食
林外過輕雷

書歎

無能自號癡頑老尚健人驚矍鑠翁未向松根藏病骨
尚尋花底醉春風翩翩孤影如歸鶴冉冉流年付斷蓬
曾謁高皇識隆準傷心無復一人同

紹興朝士自周丞相下世獨予尚在

爾

遷雞柵歌

烏雞買來逾歲年庭中赤幘何昂然吾孫初生畏晨唱
家人共議欲汝捐烏窮必啄奴豈憚雞賣將烹吾所憐

貴人賤畜雖古訓物理寧不思兩全舊棲況亦苦沮洳
新柵幸可圖完堅東園稍去房奧遠挾雌將雛從此遷
竹簾朝暮有餘粒瓦缶亦自盛清泉啾啾風雨守汝職
臍膊勿恤驚吾眠

春興

暖靄催桑眼睛光長草心沙平看卧犢密葉聽鳴禽買
酒貧為祟登山病不禁終年惟一褐捫蝨又春深

小園

蕭散遺塵事栽培得小園土鬆花意活林暖鳥言繁
飡酪供晨鉢蒞芹薦晚樽餘年君莫問送老向孤村

二月晦日夜夢欲卜居近邑道遇老父告以不利
欣然從之

夢中行卜居道遇白髯叟一面出苦言戒我棄勿取人
之生實難失脚墮虎口我深感其言解衣奉杯酒豈知
止談間得此直諒友起坐心茫然天濶樓挂斗

新晴

苦雨幾終月新晴喜夕陽扶行呼稚子隨意下茅堂草
茂知麋健巢新覺燕忙興闌歸亦好袖手獨焚香

病中作

苦雨侵衰骨餘寒著弊裘病多辭社飲貧甚輟春遊日
日親蔬圃時時弄釣舟回頭語造物與子兩無求

示子適

敢恨吾生後聖賢六經雖缺尚成編本來堯舜身親見
孰謂丘軻道不傳妙理豈求逢掖外淳風寧在結繩前

此身未死還堪勉更伴吾兒學數年

窮居

羸病無時已窮居只自悲巾偏非雨墊衣弊豈塵縑米
盡時炊稗糲空慣啜漓逐貧雖有賦乞食未成詩

春晚自近村歸

山陰道上柳如絲策蹇悠悠信所之曲水已過修禊集
餘寒不減試燈時貧猶自力常謀醉病不能閑日賦詩
誰道茅簷苦幽獨一鉤新月是相知

開孫滿月

夜夢奇童拜且言今乃幸得生高門夢後一日得開孫
虎兒墮地百獸奔未論頭角與眉宇但聽啼聲誰敢侮
就令長大未必奇亦作人間孔文舉

小築

西郊小築臨煙汀南山秀色入窓櫺朝鐘暮鼓在何許
乃是會稽山陰之蘭亭堂中老人白鬚鬢手扶藤杖垂
九齡客來不語坐至夕往者絕物今忘形牆隅老雞新

樹柵長號催上東方星老人亦起穿兩屨巖泉漱齒讀
黃庭

春晚歎

一風已快晴微雲復成雨盛麗女郎花坐看委泥土蜂
房蜜已熟科斗生兩股堂堂一年春結束聽杜宇老夫
久卧疾乃復健如許便當裹米糲爛醉作端午

鷓鴣

翩然一鴉升倏爾一鷓下非惟飽殘餘亦可免彈射巡

簷攫脯脩入舍掠膾炙嗟汝無盈厭坐是取驅嚇物情
貴能改一眚亦可貴併語黃雀羣勿輕敗吾稼

舍東四詠

疎籬

數掩圍柴荆王維畫不成尤憐月中影特地起詩情

松棚

松棚尋丈地客至共開顏堪笑杜陵老坐思千萬間

盆池

寒溜初通後新荷未長時誰持大圓鏡為我照鬢眉

小徑

環遶無十步捷行財半之安西九千里自有著鞭時

示元敏

學貴身行道儒當世守經心心慕繩檢字字講聲形吾
已鬢眉白汝方衿佩青良時不可失苦語直須聽

暮春

掠面微風吹宿醒送春空有不勝情風煙老盡王孫草

時聽桑間小婦聲

又

辛夷海棠俱作塵
紫魚蓴菜亦嘗新
一聲布穀便無說
紅藥雖開不屬春

又

市橋岸下泛湖舟
雕檻疎簾半上鉤
春事幾何君惜醉

明朝赤幟插譙樓

遊湖至
立夏止

又

祓除已過暮春初綵舫相銜十里餘浮蠟喜嘗新店酒
流塵閑拂壞垣書

書感

楚些難招去幹魂正令舌在向誰論中分白日歸欹枕
全付青春與杜門凜凜啞人愁履虎區區染指畏嘗龜
殘年誓報嗟何有虛負明時養老恩

晨起出南堂

曉枕華胥誰喚回下堂拽杖一悠哉啼鴉已逐晨光起

飛鷺初衝宿靄來石路少行生蔓草柴扉多閉長莓苔
身閑亦未全無事檢校幽花幾樹開

春晚小飲

病卧書齋一味慵今年春事又成空
揅龍奮迅風雷際木筆凋零霧雨中
平野草深黃犢健斷溪水長畫船通
小兒偶得官樓酒鰲醢鮓乾一醉同

殘春

江黃堆盤粃粃香山家節物亦窮忙
桑間甚紫蠶齊老

水面秧青麥半黃
語燕似催春事去
遊絲不似客愁長
鄉村年少那知此
處處喧呼蹴鞠場

又

過了清明日愈遲
年華不復在辛夷
誰知綠葉陰成處
正是青天露坐時
茂草滿庭喧鼓吹
嫩湯出鼎試槍旗
衰翁敢作明年計
剩與東君惜語離

聞山步有虎

茆屋穿漏雨送春
村路斷絕虎啞人
采桑鋤麥皆結伴

兒童出門翁媼嗔

久雨初霽

兩月淙淙雨不休今年春盡尚重裘水深草茂群龜怒
日出風和宿麥秋陂壞隄防誰與築市遥鹽酪絕難求
農家辛苦尋常事賣劍方當更買牛

初夏幽居雜賦

雨霽逢初夏胡牀蔭綠槐半酣方嵬嵯假寐忽咍臺小
穗開蕎麥微酸細嚼梅衰翁不禁老更著物華催

又

過盡一春雨園林氣少和偶然扶柳栗復爾坐盤陀小
草數行字殘花一曲歌公卿非傲汝無奈愛閑何

又

水際閑將鶴林間獨擁琴披叢采香草映樹看珍禽正
使居無屋猶勝突不黔過春差覺健處處得幽尋

又

籬落魚池北房櫳道院東水紋藤坐榻山字素屏風采

藥松岡近投竿荻浦通悠然搔短髮心事付冥鴻

又

曲曲羊腸徑疎疎麕眼籬渴蜂窺硯水狂蝶入書帷一
枕輕安夢數聯蕭散詩餘生已過足不必到期頤

又

闢地剪蓬蒿何曾歎作勞藥名尋本草蘭族驗離騷北
澗穿籬過南山出屋高回頭看富貴何啻一秋毫

又

修名寧復冀餘日苦無多已歎堂堂去將如寂寂何編
籬護香草埋盎貯清波兒戲君無笑相從且浩歌

雨

家近蓬萊白玉京草堂登望不勝清初驚野色昏昏至
已見波紋細細生殘醉頓消迎亂點微吟漸苦入寒聲
只愁今夕虛簷滴又對清燈夢不成

自閔

主人元是客儒士却成僧垂老貧如昔經春醉未曾塞

衣身偃僂顧影髮鬢髻忽憶東岡路捫蘿試一登

蔬食

牆陰春薺老筍蕨正登盤野饁元無婦村醕不屬官何
由取熊掌幸免買豬肝猶勝煩秦相綈袍閑一寒

讀阮籍傳

天生父子立君臣萬世寧容亂大倫籍輩可誅無復議
禮非為我為何人

杜宇行

鄉中以杜宇早鳴
為蠶麥不登之候

去年杜宇號阡陌家家聚首憂蠶麥豈惟比屋衣食憂
縣家亦負催科責今年略不聞杜宇蠶收麥熟人歌舞
豈惟襦新湯餅寬隣里相約先輸官

捕虎行

自故歲有三虎出上皋天衣山
谷近者尤為人害捕之未獲

山村牧童遭虎噬血肉俱盡餘雙髻家人行哭覓遺骨
道路聞之俱掩涕州家督尉宿山中已淬藥箭攢長弓
明朝得虎徹檻弇縑絲擣麋歌年豐

遣興

前歲我冠領石渠，即今山市醉騎驢。
目衰書卷研求懶，心弱詩章鍛鍊疎。
風雨吾廬嗟獨破，塵鹽每食歎無餘。
燈前却有欣然處，稚子談經屢起予。

三齒墮歌

一葉落知天下秋，三齒墮矣吾生休。
詩人未脫紈袴態，尚樂華屋悲山丘。
蓼花荻葉可以解我憂，鷓鴣白鷺可
以從我遊。君看貂蟬與兜鍪，等為岑岑壓我頭。
豈知石闌干下買窮筇，一棹飄然煙雨舟。
不須強預家國憂，亦

莫妄陳帷幄
籌功名富貴
兩悠悠
惟有杜宇可與謀

龜堂初暑

淪漪一曲遶茅堂
葛帳紗巾喜日長
多事林鳩管晴雨
依人海燕度炎涼
深枝著子纍纍熟
幽草開花冉冉香
安得此時江海上
與君袖手看人忙

衰歎


十年三墮齒
久矣歎吾衰
疊疊循天理
兢兢到死時
窮空顏子巷
勤苦董生帷
道遠餘生趣
常憂日影移

初夏閑步村落間

薄雲韜日不成晴
野水通池漸欲平
綠葉忽低知鳥立
青萍微動覺魚行
醉遊放蕩初何適
睡起逍遙未易名
忽遇湖邊隱君子
相攜一笑慰餘生

夜興

鬢毛飽受雪霜侵
一褐蕭條寄故林
簷雨滴回羈枕夢
城笳喚起塞垣心
平生恥露囊中穎
垂老甘同轡下琴
燈燼欲殘看瘦影
不妨袖手坐惜愔



劔南詩橐卷六十一

欽定四庫全書

集部
劔南詩稿卷六十二

詳校官庶吉士臣陳若霖

主事臣呂雲棟覆勘

總校官檢討臣何思鈞

校對官修撰臣戴衡亨

謄錄監生臣楊浚明

欽定四庫全書

劔南詩橐卷六十二

宋 陸游 撰

寄十二姪

庚寅吾入蜀西過齊安城雪堂拜老仙眉宇寒崢嶸微
泉尚如昔激激琴筑聲龍蛇入筆力斷石卧縱橫戊戌
奉詔追觸熱萬里程歸途抵齊安歲月浩可驚三日乃
東下鼓角遙送迎安國有老僧元祐初載生蟬聯說舊

事耳目猶聰明徒行就船別耿耿惻愴情豈知二紀後
汝乃為此行追懷昔遊地未語涕已傾念汝雖竝塞殘
虜方守盟職雖在警盜抱鼓寂不鳴惟當奉法令日夜
撫孤惇官卑俸入薄切勿厭藜羹勇如赤壁戰節若江
水清人誰不汝知況事賢公卿三山與七家相望兩柴
荆歸來講學暇襜褕同春畊

北窓雨中作

鬱蒸作不解風雨來有信豈惟窓戶清更喜草木潤簡

編既陳前燈火亦可近跂予望聖賢傾河洗驕吝扶衰
幸未老吾道其少進安得平生歡懷抱為君盡

戲書觸目

狸奴閑占熏籠卧燕子橫穿翠徑飛我亦人間好事者
憑闌小立試單衣

四月二十八日作

四月欲盡五月初九十未及八十餘開口何曾談世事
收身且復愛吾廬

又

行徧人間病不禁
鬢毛飽受雪霜侵
茅檐一夜蕭蕭雨
洗盡平生幻妄心

命駕

命駕清晨出射堂
筇枝羽扇受微涼
鷗將數子窺苔井
桐引新枝出粉牆
岸幘影邊茶正熟
投壺聲裏日初長
興闌却蹋湖隄去
十里山花滿袖香

遊山遇雨

千秋觀前雨濕衣石帆山下叩漁扉鷓鴣苦道行不得
杜鵑更勸不如歸

東籬雜題

終日在東籬清和適此時鶯聲如妬夢花氣欲撩詩愛
客茶新碾留僧飯別炊流年隨手過不覺近期頤

又

深居遠悔吝簡事養精神曳杖一蕭散待茶時欠伸風
生叢竹嘯露坼野花新自作東籬後經旬不過鄰

又

昨日一花坼今朝一草生
深林鳩婦聒高棟燕巢成熟
果檐前墮殘書枕畔橫
菴居澹無事作意領新晴

又

南陌歸雖久東籬興又新
無求覺身貴好儉失家貧
引水常終日栽花又過春
桃源不須覓已是葛天民

又

溝聲流激激籬影立踈踈
平旦來澆藥臨昏尚看魚
比

鄰怪踈索風月伴躊躇安得王摩詰憑渠畫草廬

書事

本來只道千鈞重看破元無一羽輕
日月光明天廣大不妨翫傲過平生

又

燕雛學母飛初熟梅子團枝亦半黃
塵尾唾壺俱屏去尚存餘習炷爐香

乙丑重五

盤中笑解青菰粽，衰甚猶簪艾。一枝寂寞廢詩仍，止酒今年真負此佳時。

又

飛棹中流救屈平，但歌寧復楚遺聲。危冠更在門楣上，但覺蕭蕭數與艾榮。

夏夜枕上

卧聽殘更下麗譙，雖非遙夜亦迢迢。正令展轉無安枕，猶勝龍鍾趁早朝。

石帆夏日

石帆山下雨冥冥
閒岸紗巾憩草亭
單複簞衣時脫著
甜酸園果半黃青
鰕魚無隊依蒲藻
病鶴長鳴鍛翅翎
自笑若為消永日
異書新錄相牛經

又

短棹飄然信所之
茶園漁市到無時
風從蘋末蕭蕭起
月過花陰故故遲
蓴菜煮羹吳舊俗
竹枝度曲楚遺辭
頗聞項里楊梅熟
鄰曲相招莫後期

仲夏風雨不已

南陌東阡自在身一年節物幾番新
鱖魚出後鶯花開梅子熟時風雨頻
冠蓋敢同修禊客桑麻不減避秦人
夕陽更有蕭然處照影清溪整葛巾

幽居

旌節庭下葵鼓吹池中蛙坐令灌園公
忽作富貴家浮生均一閑事過但興嗟
蚩蚩彼何人欲摘空中花牆隅蔬可挽
巷口酒可賒疎懶遂吾性不賣東陵瓜

齒落

昔聞少陵翁皓首惜墮齒退之更可憐至謂豁可耻放
翁獨不然頑頓世無比齒搖忽脫去取視乃大喜譬如
大木拔豈有再安理咀嚼浩無妨更覺羸肩美

雨中排悶

殷殷雷繞村淅淅雨鳴砌禽魚各自適草木亦得意顧
此菴中人老病獨顛顛飯遲每嬾索兀兀方坐睡平生
飽憂患性命已屢試但得過今朝明日可徐議

逆境

步步常由逆境行極知造物欲其成磨礪久已盡芒角
烹煮豈容重發生死到面前猶覺小事於身外孰非輕
出門不必名山去但見風煙已眼明

夜興

脫冠殘髮冷颼颼北斗闌干河漢秋木末有風栖鵲起
亭臯無月亂螢流酒慳僅得時時醉詩退難禁夜夜愁
欲睡不妨還小立一聲菱唱起滄洲

寄題李季章侍郎石林堂

林慮靈壁名宇宙震澤春陵稍居後翟公黃鶴得數峯
對客掀髯詫奇秀我行新灘見益奇千巖萬竇雷雨垂
古來豈無好事者根株盤踞不可移侍郎築堂聚衆石
坐卧對之肝忘食千金博取直易爾要是尤物歸精識
君不見牛奇章與李衛公一生冰炭不相容門前冠蓋
各分黨惟有愛石心則同崎嶇宦路多危機凜然石友
人間稀它時攜棹華亭岸更看全窠買鶴歸

流年

冉冉流年迫耄期
心情漸減舊兒嬉
唾壺塵尾已從省
茶竈筆床猶自隨
昨日客招東浦釣
今朝僧約北軒棋
敢將輕健誇鄰里
一笑元知要及時

雨中鋤藥

庭中正苦日卓午
水面忽看雲過西
老子不辭衝急雨
小鋤香帶藥畦泥

自嘲

壯歲耽書廢夜眠
寃明猶在短檠前
如今自笑推顏甚
卧看兒曹理斷編

世事

世事如今盡伏輸
面能乾唾況其餘
詩才退後愁強韻
眼力衰來怯細書
歛迹已思焚筆硯
作勞敢避把犁鉏
晴空萬里寬多少
一片閑雲足卷舒

悲齒落自解

年運而往君自寬
此生畢竟有衰殘
語訛嚼廢尋常事

只作兒童礪齒看

送十五郎適臨安

求祿亦常事出門寧自由苦留雖惜別細話却生愁
雨急投村市鐘殘過寺樓祇應今夕夢先汝到江頭

幽居夏日

茅舍參差煙藹中超然高興與誰同形骸已與流年老
詩句猶爭造物功子母瓜新間尊俎公孫竹長映簾櫳
日長愈覺閒無事隱具成書又一通

又

內史蘭亭晚卜鄰永和風月凜如新功名不入閒人夢
詩酒猶關老子身簷淺時時聞賈擗池清一一見潛鱗
正令未逐飛仙去要是巢居太古民

大雨

北窻欲化莊生蝶睡思濛濛栖倦睫川雲忽帶急雨來
萬點縱橫打荷葉坐收爽氣入詩律更借涼颼吹醉頰
壞簷腐瓦凜欲墮積潦中庭深可涉兒愁漏濕廢夜課

婦畏泥塗停早饁老翁自笑獨爾頑更喜煙波搖短楫
思雲門
一身膏脂略瘦盡萬卷簡編如隔生祇欲移家若耶去
亂雲深處聽灘聲

夏夜

散髮荒池上秋聲滿綠蒲
鱗飛桑月暗泉語似人呼
學問無新得功名負壯圖
拾薪炊麥飯隨事且支梧

觀身

欲去浮華累先觀老病身濁醪何負汝淡飯最宜人
意氣隨年往工夫媿日新祇將閑送老虛作太平民

養氣

學道先養氣吾聞三住章屏除金鼎藥糠粃玉函方凜
凜春冰履兢兢拱壁藏高談忘力守此病最膏肓

日用

日用無淵奧其中妙理存但能明物性不必學玄門盡
力扶元氣精思去病根昔人由此道推已及元元

村市醉歸

伏檻元知免駭機，翦翎豈復慕羣飛。
坐中客滿知心少，囊裏詩多得意稀。
小市雨餘尋酒去，野橋日落策驢歸。
不辭十里行空翠，終勝京塵化客衣。

夏日感舊

北窓枕簟卧陶翁，樹樹鳴蟬葉葉風。
睡覺殘書棲嬾架，浴回細葛覆熏籠。
一藤未遂名山去，半卷還驚舊歷空。
妄想金丹君莫笑，清班曾是長仙蓬。

又

五侍仙祠兩挂冠此生略有半生閒
嘯歌雨笠煙蓑裏
來往山村縣郭間一粒何當換凡骨
數盃且復駐顏顏

胡塵掃盡知何日不隱箕山即華山

予仕宦屢歷宮祠
崇道玉局武夷佑

神太平
凡五任

又

吳人那慣粟漿酸
茶盃聊霑舌本乾
身病不堪閒客攬
日長惟憶異書看
流年冉冉誰能駐
長夏迢迢亦已殘

步有新船君賀我西風先夢上嚴灘

近修小舟記事
村鄰多來賀

又

獨居無復客嘲邊終日頽然飽即眠
護硯小屏山縹緲
搖風團扇月嬋娟
桐陰忽見翻雙鵲
石罅時聞落細泉
避暑不須河朔飲
轉頭即見早秋天

雨後

甘澍慰羣望浮雲還故墟
新涼生枕簟餘潤入犁鋤
簾上翩翩驚蒲新鱗鱗
魚素秋猶半月團扇意先疎

東軒

榴花零落滿蒼苔
薜蘿忘憂亦已開
湖海片帆先已具
少安無躁待秋來

寄子虞子適

大兒再度吳門秋
小兒錢塘逾月留
恨身不能插兩翅
與汝相守寬百憂
聞鐘時宿雲外寺
待月亦上湖邊樓
但常保此豈不樂
路難悠悠非善謀

寄張季長

髮不勝簪短褐寬每因臨鏡歎衰殘未嘗三日不服藥
雖滿百年終闔棺舊友豈知常阻閣一尊那得叙悲歡
錦官花重應如昔直欲凌風借羽翰

夏夜

鳴蜩斷復續宿鳥久始安觸熱汗沾衣暮夜猶未乾梧
桐獨知秋一葉墮井闌行矣戒礎杵四序環無端

又

落月不滿窓驚鵲屢移樹沉憂少睡眠亦以衰疾故五

更忽作夢立馬青衣渡白首厭山村郵亭憶征步

讀趙昌甫詩卷

蝸廬溽暑不可過把卷一讀趙子詩如遊麻源第三谷
忽見梅花開一枝寄書問訊不可得握臂晤語應無期
惟當飲水絕火食海山忽有相逢時

海氣

浴罷來水滸適有漁舟橫浩然縱棹去漫漫菰蒲聲海
侵乃爾奇萬象空際生驂驪牧龍馬夭矯騰蛟鯨或如

擐大旗或如執長兵我欲記其變忽已天宇清成塊湏臾間使我歎且驚世事正如此何者非強名

村居

舍後盤高岡舍前面平野防盜枳作藩蔽雨篠代瓦

村人

以篠覆屋如茅

數家相依倚百事容乞假薄暮耕樵歸共話衡

門下

戒殺

郊居去市遠豬羊稀入饌既畜雞鷺羣復利魚蟹賤暴

珍非所安擊鮮况親見那得屠殺業為客美殺膳餘年
尚有幾過日如露電豈無園中蔬敬奉君子宴

庭中夜賦

流汗沾衣不自支庭中散髮立多時烏烏画角凌風起
淡淡銀河拂地垂浮玉閒遊元自樂浣花小築亦何疑
東歸萬里君知否要了滄洲一段奇

秋近

石榴萱草併成空又見牆陰莧葉紅茶醎頗妨千里夢

簾涼初怯五更風
新瓜落刃冰盤裏
晚燕添巢畫閣中
身健流年俱可樂
故人自欠一尊同

歎老

齒墮因廢談髮短不入把餘年似殘尊
欲盡不禁瀉出門見鄉曲每恨識面寡
往昔同戲兒累累塚盈野

殘暑得小雨頗涼

午暑不可觸忽驚如許涼
軒窓雲作暝草木雨生香
蒲葉先秋賈蟬聲入夜長
自欣無一事岸幘倚胡床

乙丑夏秋之交小舟早夜往來湖中戲成絕句

橫林渺渺夜生煙野水茫茫遠拍天菱唱一聲驚夢斷
始知身在釣魚船

又

河漢橫斜斗柄低啼鴉掠水未成栖怪生淒爽侵肌骨
船繫秦皇酒瓮西

又

譙門鼓角寺樓鐘一一風傳到短蓬喚得放翁殘酒醒

錦囊詩草不教空

又

小市易散無人行茫茫湖橋惟月明老夫解醒不用酒
自有千頃菰蒲聲

又

雞頭累累如大珠紅草綠荷風味殊天與楊梅成二絕
吾鄉獨有異鄉無

又

城南天鏡三百里
繚以重重翡翠屏
最好長橋明月夜
寄船策蹇上蘭亭

又

酒旆搖搖出竹籬
扁舟遠赴野人期
一天風雨晚來惡
落盡白蓮渾不知

又

七月湖中風露新
臨流閒照白綸巾
荷花折盡渾閒事
老却尊絲最惱人

又

恰聽殘蟬禹寺門又看新月石帆村
後來復有龜堂老
千載猶應此意存

又

娥江道上欲三更垣屋參差閉月明
倚柁賦詩無傑思
斷腸分付棹歌聲

又

秋來湖濶渺無津旋結漁舟作四鄰
滿眼是詩渠不領

可憐虛作水雲身

又

夢筆橋東夜繫船
殘燈耿耿不成眠
千年未息靈胥怒
卷地潮聲到枕邊

初秋

生世元浮脆
人言七十稀
耄期今已及
氣力固應微
食冷常憂過
追涼每念歸
入秋纔幾日
卷簾換練衣

又

藉草沾衣露沿溪掠面風
桐凋無茂綠蓮老有踈紅
小
約歌危度鄰園曲折通
新秋得强健一笑莫匆匆

又

初夜月猶淡入秋風已清螢孤無遠照蟬斷有遺聲
命薄慙勛業才踈負聖明青鞵若耶路亦足慰平生

又

兀兀終年醉空空四壁窮
那知雙雪鬢又度幾秋風
高枕三峯老深衣獨樂翁
騎驢向何許搢笏有蠻童

秋陰出遊

遮日雲生忽復收黃鴉鳴喚伴林鳩也知雨意逢秋作
未害山翁竟日遊陌上驛亭雙隻堠煙中漁釣兩三舟
歸遲不是尋詩料秣蹇民家偶小留

杜宇

杜宇雖微禽用意舉世稀念昔春盛時天地皆芳菲杜
宇默無聲不畏百鳥譏東君將促駕乃獨號鳴悲日夜
不肯休流血沾其衣念言身尚存乃使春獨歸飲啄雖

如昔此身當疇依月明抱樹枝敢忘此歔歔雖無精衛
勞區區亦庶幾寄言天壤間勿謂斯禽微

養生

衰病猶弱國地與齊楚隣朝憂羽書來暮畏戎車塵奔
命不敢辭所懼殘吾民羸老正類此日夜憂其身起居
飲食間恐懼自貴珍一念少放逸禍敗生逡巡所以古
達者訓戒常諄諄不死正爾得成真非有神

初秋夜賦

北斗垂欲盡明河淡不流低回半枕夢蕭瑟一窓秋老
益尊儒術閒仍為國憂孰云生死大却已付悠悠

又

炎燭猶未伏清絕忽新秋露氣房攏冷砧聲歲月道悲
蛩草根語孤燐竹間流聞道河南北飛蝗暗百州

殘年

殘年垂八十高卧豈逃名泥巷多牛迹茅簷有砧聲炊
菰觴父老煮囊哺雛嬰遣戍雖傳說何時復兩京

記夢

環立江頭千萬峯夢中於此倚枯筇青冥誰見歌巾角
碧瀼間將洗筆鋒一卷素書雲笈貯數升松麪水機春
正呼鶴駕凌風去驚覺西山煙外鐘

村飲

白稻登場喜食新太倉月廩厭陳陳叢祠懷肉有歸遺
官道橫眠多醉人小市孤村真送老浩歌起舞最關身
鹽醢乞貸尋常事惱亂比鄰莫媿頻

老鰥

水際山前有老鰥終年無事亦非閒淵源師友簡編上
土木形骸魚鳥間零落斷雲依釣瀨連涓新月照柴關
葵羹稗飯悠然過一飽元非造物慳

對食作

賤士窮愁殆萬端幸隨所遇即能安乞漿得酒豈嫌薄
賣馬僦船常覺寬少壯已辜三釜養飄零敢道一袍單
飯餘捫腹吾真足苜蓿何妨日滿槃

七月十九日大風雨雷電

雷車動地電火明急雨遂作盆盎傾强弩夾射馬陵道
屋瓦大震昆陽城豈獨魚蝦空際落真成葢屐舍中行
明朝雨止尋幽夢尚聽飛濤濺瀑聲

湖上

三伏無多暑漸微登臨清曉試縑衣風高病木初凋葉
潦退流萍尚半扉白首重來空感昔清尊相屬欲忘歸
猶憐不負湖山處好在平生舊釣磯

欲雨

正苦中天赫日流
房櫳忽復變飈飈
雲生江浦初成暝
葉下亭臯剝作秋
移穴族行憐埵蟻
爭巢婦去歎林鳩
人間寒暑何窮已
礎杵行聞治褐裘

秋懷

少年萬里度關河
老遇秋風感慨多
草聖詩情元未減
若無明鏡奈君何

又

園丁傍架摘黃瓜
村女沿籬采碧花
城市尚餘三伏熱
秋光先到野人家

又

迢迢枕上望明河
帳薄簾疎奈冷何
不惜衣篝重換火
却緣微潤得香多

又

詩如水淡功差進
身似雲孤累轉輕
落葉擁籬門巷晚
一枝藤杖且閒行

食新

龍鍾好在夢中身，剗喜今年又食新。
不用更煩人祝鯁，輪囷瓜瓠是常珍。

予初仕為寧德縣主簿，而朱孝聞景參作尉，情好甚篤。後十餘年，景參下世，今又幾四十年，忽夢見之。若平生覺而感歎不已。

白鶴峯前試吏時，尉曹詩酒樂新知。
傷心忽入西窓夢，

同在埔村折荔支。

埔音通

讀書

憶昔年少時把卷惟引睡情遊過日月自咎輒涕泗老
來百事廢却覺書多味豈惟時有得聖域可坐致譬如
入武庫懞懞不暇視淺陋安能名出門但驚喟天球及
河圖千古所共秘幸今發其藏雖老敢自棄

諭鄰人

鄰曲有米當共舂何至一旦不相容為善何嘗分士農
堯民皆當變時雍

又

相攻本出忿與疑能不終訟固已奇訟端可窒君試思
歲時鄰里相諧嬉

又

世通婚姻對門扉禍福飢飽常相依忿爭得直義愈非
不如一醉懷牒歸

示小廝

偷閑打睡汝何尤罵詈榜笞我所羞但摺一鞭隨小蹇

不妨村路共閒遊

又

晨興略整案頭書十日庭中始埽除未免丁寧惟一事
臨池莫釣放生魚

劔南詩藁卷六十二